



# 石刻史料新編

第三輯

(八)

新文豐出版公司印行

地方類

浙江省

湖州金石略 十卷

清周學濬撰 0 0 1

烏程碑碣志 不分卷

清張 燾撰 2 2 1

烏程金石志 一卷

清汪曰楨撰 2 2 7

長興碑版志 不分卷

清丁寶書撰 2 4 3

長興碑碣志 一卷

清丁寶書撰 2 5 1

德清碑刻新志 一卷

民程 森纂 3 0 1

德清碑刻續志 不分卷

清蔡 榜撰 3 1 5

安吉碑版志 不分卷

清劉蘇植撰 3 1 9

孝豐金石志 不分卷

清潘宅仁纂 3 2 5

鄞縣金石志 一卷

清錢大昕撰 3 3 3

鄞縣金石志 二卷

清董 沛撰 3 5 9

2746/15

|       |     |       |   |   |   |
|-------|-----|-------|---|---|---|
| 慈谿金石志 | 三卷  | 清楊泰亨纂 | 3 | 9 | 5 |
| 奉化金石志 | 不分卷 | 清張美翊纂 | 4 | 8 | 1 |
| 鎮海金石志 | 一卷  | 清俞樾纂  | 4 | 8 | 9 |
| 剡源石刻志 | 不分卷 | 清趙霽濤撰 | 5 | 1 | 3 |
| 象山金石志 | 一卷  | 清陳漢章纂 | 5 | 1 | 9 |
| 定海金石志 | 一卷  | 民馬瀛撰  | 5 | 5 | 5 |
| 會稽碑刻志 | 不分卷 | 宋施宿撰  | 5 | 5 | 9 |

清周學濬撰

湖州金石略



湖州府志卷四十六

金石畧一

湖州府治上

漢

梁相費汎碑石佚據錄碑載文○宋元以後墓碑多八文集未盡刻

梁相諱汎字仲慮此邦之人也其先季文為魯大夫有功封費曰祗

為姓秦項兵起避墜于此遂留家焉世業稼稿好學禮樂大漢之祿

廂司相繼絕而復續至梁府君以孝友至行開於鄉邑仕更郡右塞

鄂廣直左公履法察考廉除郎中屯騎司馬遷蕭令眩民如子先教

後罰流玄默之化奉以忠信守以敬焉左位九丰百姓移風苛慝不

任姦寇不發變爭路銷推讓道生三丰不齒獄積祥感應時沛有蝗

湖州府志

卷四十六

金石畧一

一

獨不入界由此顯名國以狀聞朝廷嘉諸拜梁相宜慈惠缺不帥自

正當登台階延究肩者被病遜位春秋八十卒二子慕缺鳳由宰府

至堂邑令政九江太守適孫均感慕斯之義刊銘玄石於勸廉美俾

缺覽焉其辭曰

孫顯祖庶德懿鑠播勛於前承碩基業遺愛於民福流後貽庶缺

昌缺左堂缺室功烈休矣末昆勸力

歐陽修集古錄右漢梁相費府君碑其名字若云諱汎字仲慮而

況疑為汎慮疑為寬其官闕可見者為蕭令九年沛有蝗獨不入

其界國以狀聞朝廷嘉諸拜梁相春秋八十卒其銘頗簡而文字

粗完云孫顯祖庶德懿鑠播勛於前不碩基業遺愛於民福流

後昨自此磨滅不可識者八字其卒章云功烈休矣來昆勸力而

穆字為縣古文多然

趙明誠金石錄右費汎碑在湖州其額題漢故梁相費府君之碑

碑云梁相諱汎字仲慮此邦之人也其先季文為魯大夫有功封費

因以為姓秦項兵起避地於此遂留家焉余家所收姓氏文字粗

備以諸書參攷頗多抵牾不合姓苑云費氏禹後漢有長房蜀志

有丞相諱又云今琅邪亦有此姓音父位反李利涉編古命氏云

費氏出自魯桓公少子季友有勳于社稷賜汶陽之田封邑于費

子孫氏焉漢有費將軍其後有費忠費柔適蜀為蜀人忠之孫

徙于荊州後遷江夏忠十代孫奕奕孫諱又家於蜀晉平蜀諱之

子承復歸江夏林寶元和姓纂云費氏亦音祕史記紂幸臣費中

夏禹之後楚有無極漢有直蜀有禕晉有詩又云琅邪費氏直之

湖州府志

卷四十六

金石畧一

二

後也陳湘姓林云費氏音蜚夏禹之後余嘗攷之此字有兩姓音

讀不同源流亦異其一音蜚羸姓出于伯翳史記所載費昌費中

楚費無極漢費將軍費直費長房蜀費禕之徒是其後也其一音

祕姬姓出于魯季友姓苑所載琅邪費氏而此碑所謂梁相費君

是其後也然則姓苑姓纂姓林皆云夏禹之後姓纂又云亦音祕

及謂琅邪費氏為直之後皆其差誤而編古命氏以費將軍費禕

之徒出于魯季友亦非也余又按春秋僖公賜季友汶陽之田及

費而左傳亦以為季友有功于魯受費以為上卿今以為季文有

功封費蓋碑之誤

洪适隸釋右漢故梁相費府君之碑篆額今在湖州費君名汎堂

邑令鳳九江太守政之父也鳳於咸宗嘉平中卒碑載費君二子

缺  
詎王王緣杖其未除廣陵之郡守東海<sub>二</sub>聞寢疾而終年凡百

管宰新平故鄆堂邑三縣以靈帝熹平六年卒其妻之弟卜君伯

誅之乃作此碑碑中無名字見之石君詩碑云祖業良田畝直一金推子弟息此固可嘉至於退已弟不營榮祿則又人之所難其云行義高邵卓不可及名實相副有始有卒信哉此云黎儀瘁傷孔宙碑亦云迺綬二縣黎儀以康黎則黎老之稱儀則謂如施倪之倪也誅之後載施業戚忠二人竭力送終之事業者郭士之故吏忠者堂邑之義民皆費君之舊部也其詞皆五言石磨滅文不相屬初敘戚忠早喪慈考母服未除有廣陵之役聞訃來奔祖載還鄉及泉隧有期復載經杖扶號棺棺列種奇木建立磐石此其大畧也非五者居喪非食二十五月也岐山者其地名其後有門下功曹題名者九人碑以凱為執格于大荒有恥且格皆不

从木

湖州府志

卷四十六

五

真地紀勝在墨妙亭又一碑亦在號三費碑

漢隸字通右碑熹平六年立在湖州碑文與張表碑相類

金雞琳珉右漢堂邑令費君碑乃君夫人之弟下充所撰蓋誄辭

也辭之後載故鄣故義施業堂邑義民戚忠皆竭力送終而忠之

所行尤為卓絕漢去古未遠故民俗之厚如此後世其可得哉

費鳳別碑石佚據誄辭載文

君甥家中孫曰陵石勛字子才載誄載驅來奔于垂庭肝確意悲感

切傷心瞻波碑誄懷之好音司馬蕤蘭相而南復白珪仰之以彌高

鑽之而彌堅不堪哀且思叙詩之一篇庶幾昔子夏起夫子之而言

其辭曰

君諱鳳字伯蕭梁相之元子九江太守之長兄也世德龍鳳銀鈿相

亞恢遐祖之鴻軌拓前代之休光邈邈而難繼誠非聲惡之所頌仁義本於心慈孝著於性言不失其術行不越矩度清潔嘖嘖而不滓恆憂於厄施而不記由近及遠靡不覆載故能聞令名而雲騰揚威聲而風布踐郡右職三貢獻計辟州式部忠以漸上漢安二年吳郡太守東海郭君以君有選地之節自公之操丰世一舉孝廉拜郎中除陳國新平長神化風靡惠以流下靜而為治匪煩匪擾乾乾日稷稷以黔首功成事就色斯高舉軍司委職位思賢以自輔主慙守謙委白駒以審陞丹陽有誠寂漫四命君討理之試守故鄣長蓋危亂有不讓又畏此之罔聞二而缺牧爰止其師旅鵠若飛鷹鷂歸若夫墟席疆者綏以德弱者以仁撫簡在上帝心功訓而特紀緒與宰堂邑基月而致道視字四遂據于卿尹中表之恩情兄弟與甥

湖州府志

卷四十六

金石畧一

六

甥鵠與女蕭性樂松之茂好聞君顯令名舉宗為歡喜不悟奄忽終

藏形而匿景耕夫釋耒耜桑婦投鉤莒道阻而且長望遠淚如雨英

馬遁大路寒裳而涉消憊憊歌柔離思黃鳥集于楚憫憫之臨內迷

君必厚土噬嗑悲且傷每食缺不絕夫人薦舊好不存以改文平

感渭陽悽愴益以甚諸姑咸辟踊愛及君伯姊孝孫字元宰生不識

考妣追惟厥祖思達首斬綏杖世所不能為流稱於鄉黨見否若君

存剝裂而不已壹別會無期相去三千里絕翰永恍慨泣下不可止

集古錄曰右石勛撰誄書不著書人名氏鳳字伯蕭漢安中鳳守

故鄣堂邑長勛自稱鳳舅家中孫文悉為五字句不著所立年月

錄釋右費鳳別碑刻舅家中孫甘陵石勛詩一篇其辭云瞻彼碑

誄懷之好音謂下君所作也其詩先敘世系歷官繼以韻語六十



句其三句六言餘皆五言石君蓋鳳之中表也所述兄弟甥舅諸姑伯姊夫人孝孫悲傷哀痛之意宛轉悽切費氏父子三碑今並列於吳興校官之壁不知者指此為碑陰趙氏亦有斯誤其中望而不津蓋用涅而不緇為若飛鷹鵠銳若夫城虎蓋用駭彼飛牛闕如城虎其字有不同若非假借則是轉授異也碑以確為據以選為後以選為基為若以壁為碑

金石錄石費君碑陰云君諱鳳字伯簫梁相之元子九江太守之長兄也世德饒爵銀艾相亞又云君踐郡右職三貢獻計漢安二年吳郡太守東海郭君以君有委蛇之節自公之採年廿一舉孝廉拜郎中除陳國新平長遂宰堂邑其後為五字韻詞頗古雅而時時殘缺不可次敘其前題君舅家中孫甘陵石助字子才所述

湖州府志

卷四十六

金石錄

七

云何焯曰勛本字助蓋勛字勛釋作勛亦誤顧氏謂吉云疑是勛字之異漢隸字源碑在湖州前碑無名字世系見于此碑金石錄作碑陰非也

金薤琳琅右漢堂邑令費鳳別碑歐公直以為費鳳碑趙明誠則以為費鳳碑陰隸釋謂費氏父子三碑並列于吳興校官壁蓋鳳之父汎為梁相有碑而鳳亦自有碑此則鳳中表石助所述也隸釋所稱別碑為是今皆不存此予得之四明豐解元坊宋搨本也兩浙金石志石費氏三碑隸釋云費氏父子三碑並列於吳興校官之壁屢訪未得據隸釋所載補入嗣見宋石刻劉球隸韻十卷所收漢碑文字散見於各韻之下而費氏三碑皆在其列然字隸釋作休音字作畜惟咸字洪書未見皆可據以補正其筆畫古勁

彷彿熹平原刻

鐵橋漫稿費鳳別碑跋費氏三碑舊在吾郡墨妙亭石皆亡失此蓋宋拓本紙色微損以隸釋讀之第十二行趙寇下沒字第十五行行首視字不可識助字口內有泐紋集古錄目錄隸釋以為助金石錄以為助又以為助審觀實是助字第十八行黃鳥上思字誤衍隸釋以為六字句恐非都南濠嘗得是碑并得前碑今不知所歸此本未經割模當雙鉤重刻於石然多漫漶處非精于隸法者不能鉤出也

唐

唐太宗御製聖教序

石佚

冥興志僧智永集王羲之書在墨妙亭

湖州府志

卷四十六

金石錄

八

孝義寺碑銘

石佚據藝文類聚載文

臣聞道階八地猶見后妃願生千佛無匪賢聖汲引之義雖同隨機之感非一至如鴻鈞有禮皇源所以前與周女斯歸陳宗所以流慶大矣哉神基帝系淑聖重光者也慈訓太后德佐初九道暉上六居天上天中之樞處太任太姒之尊蘋藻之化斯深萬覃之風彌遠皇帝膺茲上聖契彼援神愛敬在乎一人德教形乎四海是以明星皎皎流半月之光甘露團圓灑如飴之味嘉禾自秀浪井恆清天降徵祥日聞書府自大明紹運神武應期至道旁通無思不格戊己校尉西關王門伏波將軍南表銅柱方使三千世界百億須彌同望飛輪共稟元稔天嘉三年正月二十一日詔旨仰惟聖德方被兆民乃勅有司改東成里為孝義里背倚山徒號重華著其受終德水移名泰

人表其嘉運豈若盡在輿地書茲里門仰述天經光臨父母臣陵稽首乃作銘曰願此良因宜資貴親三乘並策四梵爲賓紺殿安坐蓮花養神燈前禮佛地後邊身並濟含識咸歸至真國家隆盛同饗遐慶謹勒豐碑陳其舞詠

復齋碑錄陳人徐陵撰十世孫徐嶠之正書開元二十二年正月

十五日立在烏程

寶刻叢編

黃伯思東觀餘論徐陵文非佳而頗有內典故事又徐嶠之書有法故漫錄之

輿地紀勝陳孝義寺碑晏公類要云徐陵撰在卞山下今在墨妙亭

重斯張吳興藝文補按談鑰志載孝義寺碑云高卞蒼蒼遙聞天

湖州府志

卷四十六 金石畧一

九

語清霄瀾瀾深窮地想又引碑云八絕之技依然又引碑云弱絮紺桃今此碑無此數語當非全文

孝義寺碑陰記

石佚

金石錄石唐孝義寺碑陰記初陳徐陵爲孝義寺碑至開元二十三年徐嶠之爲湖州刺史再書而刻之因記其事於碑陰嶠之自云陵之十世孫按陳書陵以後主至德元年卒距開元二十三年才百五十餘年不應已有十世孫又據嶠之父高行先生碑云曾祖儼梁岳陽王參軍則是儼與陵同時而在其前不應爲陵五世孫以此碑陰所書可疑然而筆法精妙非嶠之不能爲特恐書碑時誤耳

大唐興善寺碑

石佚

吳興志興善寺碑舊二板六字字皆徑三尺體勢壯逸相傳燕公張說書寺在德清新市鎮今號覺海故令陳之力愛此字俞於乾元寺壁開元祐三年取置墨妙亭之東楹書板不存今只有臨本小字石刻

項王蔬食文

石佚據藝文類聚載文

梁簡文帝撰

昔者武王詢于太公五神之禮正伊咎贊於巫咸三篇之義作抑又元矩司於坎宮漢興北峙黃蛇感于通夢秦作西郊幽則鬼神其來已尚楚王宏茲釋典止獻牛車既舍黃駒安事駉角掌微無左滌之楚牧人止輻衡之務周房殷俎唯有元澗芳芝玉聲瑤樽止存丹桂清酌漸符不殺之教方行大士之心比夫黃樹赤光紫衣朱髮茂矣哉王制云山川神祇有不舉者爲不敬太牢元景仲稽諸古典於茲

湖州府志

卷四十六

金石畧一

十

往烈永傳不朽式樹高碑翠石勒文事偕神掌靈龜負宇還擬洛書

輿地紀勝項王蔬食文在墨妙亭

吳興志唐邱隱書在墨妙亭

湖州刺史題名記

石佚

吳興志唐廣德元年補闕內供奉李紆撰

烏程令韋承慶德政碑

石佚

復齋碑錄唐沈務本撰沈仲昌正書至德二年二月立

寶刻叢編案又見

金石錄

吳興志在烏程縣治唐至德二年沈務本撰沈仲昌書文多漫滅宋嘉祐中知州事楊紘摹題額九字刻石在墨妙亭

佛頂尊勝經石幢二

石佚

輿地紀勝斷碑二在墨妙亭一乾元元年鄆彤書一咸通五年于僧翰書

集古錄石尊勝經于僧翰書僧翰筆畫雖適勁然其失分隸之法遠矣所以錄者亦自成一家而為流俗所貴故聊著之庶知博採之不遺爾

寶刻叢編金剛尊勝經石幢唐朝議郎行河南府河陰縣主簿上柱國沈洽建太原鄆彤書乾元元年八月三十日立

諸道石刻錄唐尊勝經石幢于僧翰小字八分書咸通五年立

宜州博士沈府君墓志 石佚

復齋碑錄唐韋卓撰正書無名乾元二年十一月五日附於東主

湖州府志

卷四十六 金石記一

二

山在武康縣 寶刻叢編

輿地紀勝在墨妙亭乾元元年韋卓撰并書

吳興志府君諱縉字章甫乾元二年京兆韋卓撰并書

唐封文宣王詔 石佚據唐詔合載文

宏我王化在乎儒述發揮此道迪啟含靈自生民以來未有如孔子者也所謂自天攸縱將聖多能德配乾坤身揭日月故能立天下之大本成天下之大經美德敦善風俗君君臣臣父父子民利予今受其賜不其偉歟於戲楚王不封魯公不用俾夫大聖才列陪階栖遲旅人固可知矣年祀遠光靈益彰雖代有褒稱未為崇峻不副其寔人其謂何夫子改稱宣聖可追諡為文宣王令三公持節册命其後嗣褒聖侯改封嗣文宣公昔周孔並祀之時周公南而坐夫子

西廟坐及貞觀二年停祀周公之後孔子坐仍其舊制今位既有殊豈宜依舊宜補其隆典永作成式其兩京國子監及天下諸州夫子南而坐十哲等東西行列侍坐被王者服釋奠樂用宮懸且門人三千見稱十哲包夫眾美寔越等夷暢元聖之風規發人倫之耳目並宜褒贈以寵賢明其顏子既云亞聖宜優其秩

復齋碑錄唐封孔子為文宣王詔開元二十七年八月二十四日

下大歷四年十月一日孫沛建王全榮行書倒薤額 寶刻叢編

吳興志唐開元皇帝封文宣王詔大歷四年別駕孫沛立王右軍

十六代孫榮書在州學

晉吳興太守謝公碑 石佚

復齋碑錄唐裴清撰僧道說書大歷七年十月十一日龍興寺沙

湖州府志

卷四十六 金石記一

三

門皎然建 寶刻叢編

吳興志在墨妙亭唐刺史兼侍御史裴清撰僧道說書大歷七年

歲在壬子建於龍興寺即今之報恩光孝寺

吳興太守廳官記 石佚

金石錄目第一千九百六十九廳官記正書無姓名第一千四百

七十四謝公碑陰記行書無書撰人姓名大歷七年十一月

吳興志在墨妙亭晉太守謝公碣之陰唐人所勒自晉王逸少洎

陳任忠凡四十四人又云大歷中刺史裴清始撰廳官記勒於

謝傳碑陰

晉謝太傅瑒碑 石佚有碑陰據顏魯公集載文

太保謝公東晉咸和中以吳興山水清遠求典此郡郡西至長城縣

通水陸今尙稱謝公塘及遷去郡缺人用懷思刻石紀功焉乃歷代至皇唐天寶末羣盜起公之碑誌失於所在杳求無復深爲愴然借舊史遺文敬刊息石公之雅量宏度蓋嗟歎之不足

吳興志舊在謝公鄉至唐天寶盜起碑刻不存大歷中刺史顏真卿取舊史遺文刊石而書其陰今碑在墨妙亭案又見輿地紀勝

案蘇軾墨妙亭記有謝公碑而無謝傳塘碑據吳興志及輿地紀勝確是兩碑一爲謝公碑刺史裴清撰文僧道說書大歷七年建裴清撰歷官記卽刻於碑陰一爲謝太傅塘碑舊在謝公鄉不存顏魯公取舊史遺文刻石而書其陰見顏魯公文集而西吳里語掌故集以爲太傅塘碑亦裴清撰未免臆斷張鑑作墨妙亭碑目考深信其說誤矣

湖州府志

卷四十六

金石畧一

吉

千祿字書碑石佚字書有蜀刻本不錄

吳興志千祿字書唐朝議大夫滌沂濠三州刺史上柱國贈祕書監顏元孫撰弟十三姪男金紫光祿大夫行湖州刺史上柱國魯郡開國公顏真卿後跋云真卿於湖州刺史宅東廳院書之一在墨妙亭一在魯公祠開成四年刺史楊漢公重摹

輿地紀勝一在墨妙亭一在魯公祠集古錄湖州顏魯公石記云唐人筆蹟見於今者惟公最多其在湖州所書爲世所傳者惟千祿字書放生池碑尙多見於人家而千祿字書乃楊漢公摹其真本以訛缺遂不復傳獨余集錄有之惟好古之士能知前人用意之深則其灑沈磨滅之餘尤爲可惜也

集古錄云千祿字樣別有摹本文注完全可備檢用此本刻石殘

缺處多直以魯公所書真本而錄之爾魯公書刻石多而絕少小字惟此注最小而筆力精勁可法尤宜愛惜而世俗多傳模本此以殘缺不傳獨余家藏之治平丙午九月二十九日案此係歐公所書千祿原

跋本

右千祿字樣模本顏真卿書楊漢公模真卿所書乃大歷九年刻石至開成中遽已訛缺漢公以謂一二工人用爲衣食之業故摹多而速損者非也蓋公筆法爲世楷模而字書辨正僞繆尤爲學者所資故當時盛傳於世所以模多爾豈止工人爲衣食業邪今世人所傳乃漢公模本而大歷真本以不完遂不復傳若顏公真蹟今世在者得其零落之餘藏之足以爲寶豈問其完不完也故余并錄二本並藏之亦欲俾覽者知模本之多失真也案此跋重摹本

湖州府志

卷四十六

金石畧一

吉

集古錄且唐濠州刺史顏元孫撰湖州刺史姪男真卿書元孫以字書分四聲定爲正通俗三體真卿以大歷九年正月庚子朔七日景午刻石於湖州開成四年刺史漢公以舊本訛缺重模刻石并爲記附於碑後今其本比魯公所刻差完可以備用

案吳興志及輿地紀勝載千祿字書碑湖州有二一在墨妙亭一在魯公祠墨妙亭爲原刻魯公祠爲重刻楊漢公復摹刻於蜀中湖本久佚惟蜀本尙存然已非漢公原刻矣

勅書褒戰功記石佚

諸道石刻錄勅書褒戰功記篆額行書寶刻叢編

吳興志唐憲宗賜刺史辛祕及慰問將士詔書也在甲仗庫前

刺史李師悅碑

諸道石刻錄

射堂記

集古錄目唐顏真卿撰并書碑石缺訛文理斷續其事迹不可考

大曆十二年四月立

集古錄石射堂記唐顏真卿書魯公在湖州所書刻于石者余家集錄多得之惟放生池碑字畫完好如干祿字書之類今已殘闕每為之歎惜若射堂記者最後得之今僕射相公筆法精妙為子稱顏氏書射堂記最佳遂以此本遺予以予家素所藏諸書較之惟張敬因碑與斯記為尤精勁惜其皆殘缺也

輿地紀勝忠烈廟在駱駝橋東即唐顏魯公真卿也嘉祐中知州事張田又移公所書干祿字碑放生池碑項王碑射堂碑列於西

湖州府志

卷四十六

金石畧一

表

廡

吳興志射堂記在墨妙亭撰人姓名殘缺世傳顏魯公正書大曆

十二年四月也

項王廟碑陰述石佚據顏魯公集載文

西楚霸王常秦之末與叔梁避讎於吳中蓋今之湖州也雖滅秦而

宰制天下其魂魄猶思樂茲邦至今廟食不絕其神靈事迹具見竟

陵子陸羽所載圖經大曆七年真卿蒙刺是州十二載姦臣伏法恩

命追真卿上都缺二缺冠期首路竟陵是諡予以故碑顛趾嘗因仍草

莽已而復之真卿乃命再加崇樹缺五缺紀之時則仲夏方生明之日

集古錄目項王廟碑陰述唐大曆十二年顏真卿撰并書

通志金石畧項王碑陰湖州顏真卿書

吳興志在墨妙亭顏魯公書自湖州刺史字下大字缺

輿地紀勝集古錄云顏氏殘碑唐顏真卿書并項王碑陰記附殘

缺不全而事蹟可見碑陰真卿重建項羽廟碑以大曆七年刻

又云項王廟在烏程縣東北四里東漢志引吳興記云烏程縣西

北某山有項籍廟唐顏真卿於碑陰述王與叔父梁避仇吳中蓋

今湖州也

石柱記石佚據顏魯公集載文

烏程縣

舊縣今望鄉四十里二百東去蘇州二百一十里南去杭州一百

八十九里西北去楊州六百四十七里西去宣州三百一十七里

北去東都二千八百七十五里北去上都三千七百七十六里

湖州府志

卷四十六

金石畧一

表

帝顓頊冢 吳大帝陵 吳景帝陵 鈕皇后陵 吳丹陽太守

蕪湖侯太史慈墓 吳大將軍朱治墓 吳蕩寇將軍程普墓

晉侍中羅含墓 晉黃門侍郎潘尼墓 齊宣城太守邱靈鞠墓

梁中書侍郎邱遲墓 梁司空康絢續墓 陳五兵尚書康宗

墓

長城縣

大雷山 小雷山 芳巖 震澤 若溪 吳王夫槩廟 陳景

帝陵 陳錢皇后陵 陳昭烈王陵 謝安墓 殷仲文墓 陳

武帝故宅 陳文帝故宅 吳均故宅 陳氏五主屏風 陳高

祖竹帳 國朝高僧南山律主道宣

安吉縣

天目山 崑山 橫溪 梅溪 蛟龍池 翔鳳林 裴子野故宅 周宏讓故宅 姚萇雉尾扇 施世瑛金鐘

山川

卞山

法華寺 金井 玉澗 乳竇 石膏 溫泉 項王走馬埭

項王飲馬池 項王繫馬石

衡山

帝顓頊冢 春秋鳩茲城

峴山

顯亭 故別駕李適之石酒樽 五花亭

杼山

湖州府志

卷四十六 金石略一

七

妙喜寺 黃浦橋 避它城 何楷釣臺

昇山

吳均入東記 晉吳興太守王羲之烏亭

金蓋山

何氏書堂 張邵郎道祚禪幽寺

太湖 周迴四萬八千頃

霅溪 白蘋洲

集古錄曰石柱記碑字殘缺不見年月及書撰人姓名其字畫頗

真卿書也凡湖州諸縣皆記其山川前古陵墓

集古錄湖州石記文字殘缺其存者僅可識讀考其所記不可詳

也唯是筆畫奇偉非顏魯公不能書也公忠義之節明若日月堅

如金石自可以光後世傳無窮不待其書然後不朽然公所至必

有遺迹故今處處有之唐人筆蹟見於今者唯公爲最多視其鉅

書深刻或託於山崖其用意未嘗不爲無窮計也蓋亦有趣好所

樂爾其在湖州所書爲世所傳者唯千祿字書放生池碑尙多見

於人家而千祿字書乃楊漢公摹本其真本以訛缺遂不復傳獨

于集錄有之惟好古之士知前人用意之深則其湮沈磨滅之餘

尤爲可惜者也

輿地紀勝舊在烏程縣西南三十里之杼山今在墨妙亭又斷碑

二亦在皆顏真卿書

吳興志凡境內山川陵墓古蹟皆入記刊之石柱故名又名吳興

地記

湖州府志

卷四十六 金石略一

七

曝書亭集湖州石柱在宋初字已漫漶歐陽永叔謂筆畫奇偉非

顏魯公不能書於是宋次道集魯公文刻於金石者編爲十五卷

則石柱記存焉孫莘老守湖州聚境內碑碣築墨妙亭貯之凡三

十餘通記其一也所載山川陵墓廟宅旁及屏風竹帳雉尾扇顧

唐設五縣而記遺其二或當日有之而次道編集時殘缺未可知

爾余友鄭元慶芷畦既輯府志成書又別釋石柱記一卷以行考

證詳核廣見博聞洵不刊之書也墨妙亭之建蘇子瞻爲作記而

蔣燦書之一時詩人寄題踵至今其遺石以府治卑溼用填淤泥

夫峴山之碑一沈江底尙冀其深谷爲陵亭中諸碑未淪於水使

有賢太守發而復樹之何難與莘老并傳又安見石柱之不可再

觀乎

湖錄後記中所記陵墓頗多舛錯不可信且唐有五縣而記遺其二以石柱記殘缺故也因商之竹垞先生悉為辨證補輯而梓行之

顏魯公去思碑 石佚

令狐岷顏魯公神道碑魯公轉湖州刺史政尚清靜長孤養耆穉備後陞式廉明進吏事特貢大指而已郡人悅之立碑頌德

殷亮顏魯公行狀檢校國子祭酒楊珣自御史中丞京畿採訪使轉湖州刺史以舊府之恩乘州人之請紀魯公遺事刊石立去思碑於州門之外即今都官郎中陸長源之詞也

袁高茶山詩 石佚據唐文粹載詩

禹貢通遠俗所同在安人后王失其本職吏不敢陳亦有姦佞者因

湖州府志 卷四十六 金石畧一 九

茲欲求伸動生千金費日使萬姓貧我來顧渚源得與茶事親毗輟耕農未采實苦辛一夫且當役盡室皆同臻捫葛上欹壁蓬頭入荒榛終朝不盈掬手足皆皴鱗悲嗟徧空山草木為不春陰嶺芽未吐使君牒已頻心爭造化力先走挺鹿均選納無晝夜擣聲昏繼晨畧工何枯槁俯視爛傷神皇帝尚巡狩東郊路多堙周迴繞天涯所獻逾艱勤況減兵革困量茲固疲民未知供御餘誰合分此珍願省忝郡守又慙復因循茫茫滄海間丹憤何由申

集古錄曰茶山詩唐湖州刺史袁高撰前滁州長史徐璠書湖州顧渚山歲脩茶貢高為刺史感其採製之勤而作是詩其後千岷為刺史得之於堰垣為序而刻之貞元七年立

南部新畫右高所賦茶山詩也按唐制湖州造貢茶最多謂之顧

渚貢焙歲造一萬八千四百斤焙在長城縣西北大厯五年以後始有進奉至建中二年高刺郡進三千六百串并此詩一章刻石在貢焙院故杜鴻漸與楊祭酒書云顧渚山中紫筍茶兩片此物但恨帝未得嘗實所歎息一片上太夫人一片充昆弟同歡開成三年以貢不如法停刺史裴充官 案又見詩有功唐詩紀事

源隱叢話唐茶惟湖州紫筍入貢每歲以清明日貢到先薦宗廟然後分賜近臣紫筍生顧渚在湖常二境之間常採茶時兩郡守畢至最為盛集此蔡寬夫詩話之言也當時顧渚義興皆貢茶又鄰壤相接自樂天守姑蘇聞賈常州崔湖州茶山境會相款歡宴因寄詩云遙聞境會茶山夜珠翠歌鍾俱繞身盤下中分兩州界燈前合作一家春青娥迴舞應爭妙紫筍齊嘗各闕新自歎花時

湖州府志 卷四十六 金石畧一 手

北窗下蒲黃酒對病眠人唐袁高為湖州刺史因脩貢顧渚茶山作詩云云此詩古雅得詩人諷諫之體誠可尚也

湖錄按袁高建中二年刺湖州見新唐書劉昫書高傳不載第於德宗紀書興元元年八月己卯前湖州刺史袁高為給事中著一前字似不於湖州召為給事矣談鑰吳興志應敘刺史名表德宗建中元年第五琦任三年王密任五年王沔任貞元二年至四年舊唐書紀傳皆誤也趙氏亦不及明辨之

袁高茶山詩述 石佚

唐朝議大夫使持節湖州諸軍事守湖州刺史護軍賜紫金魚袋于頔撰 朝議郎前滁州長史上柱國徐璠書 結銜據吳興志錄

吳興志袁高茶山詩述在墨妙亭述刺史袁高所作茶山詩也又



見輿地紀勝

干駕齋養新錄金石錄第一千六百十六唐茶山詩并詩述詩袁  
高撰詩述于頔撰徐璿正書第一千六百十七唐詩述碑陰記李  
吉甫撰徐璿正書貞元十年正月此碑久亡而于頔題名尙存在  
長興縣小石山正書十五行文云使持節湖州諸軍事刺史臣于  
頔遵奉詔命詣顧渚茶院脩貢畢登西顧山最高堂汲巖泉口口  
口口似茶字口口口口似前刺口口口口袁公題口口口口似茶山詩於  
石大唐貞元八年歲在壬申春三月蓋茶山詩述之刻卽在是年  
又逾二載而吉甫爲文記之則袁高已卒矣唐詩紀事謂高卒於  
憲宗時亦非也唐詩傳云憲宗時李吉甫言其忠譽贈禮部尙書  
非謂卒於憲宗時

湖州府志

卷四十六

金石畧一

三

唐詩述碑陰記石佚據唐明誠金石錄藏文

以上大應中從其父贊皇公辟爲丹陽令再表爲監察御史浙西四  
練判官德宗嗣位累遷尙書金部員外郎右司郎中擢御史中丞爲  
相所忌貶韶州長史尋刺湖州收復之歲徵拜給事中以卒以下缺  
金石錄曰唐詩述碑陰記李吉甫撰徐璿正書貞元十年正月  
金石錄石唐袁高茶山詩并于頔撰詩述李吉甫撰碑陰記共兩  
卷湖州歲貢茶高爲刺史作此詩以諷高恕己孫也貞元中德宗  
將起盧杞爲僞州刺史高任給事中爭甚力於是止用杞爲上佐  
德宗猜忌刻薄出於天資信任盧杞幾亡天下奉天之園賴陸贄  
之謀以濟杞之貶黜迫於公議然終身眷眷不能忘於贊則一斥  
不復其奔走播遷而不亡者豈非幸歟非高等力排其姦則復任

用杞未可知也唐史稱高代宗時累遷給事中建中中拜京畿觀  
察使坐累貶韶州長史復拜給事中吉甫爲碑陰記述高所歷官  
甚詳云云然則高代宗朝未嘗爲給事中德宗朝未嘗拜京畿觀  
察使其貶韶州實爲中丞而其爲中丞與湖州傳皆不載今併著  
之以證唐史之誤

吳興志碑陰朝議大夫明州長史員外置同正員李吉甫撰貞元  
十年建徐璿書

白蘋亭記石佚據唐文粹藏文

新作白蘋亭書時且志政也梁太守柳惲賦詩於始因以名洲今邦  
伯李公成室於終茲用目亭度乎事則位均考乎地則境同合美配  
德古今相望亭之時義至矣吳江之南震澤之陰曰湖州幅員千里

湖州府志

卷四十六

金石畧一

三

棋布九邑卅山屈盤而爲之鎮五谿叢流以導其氣其土沃其候清  
其人壽其風信實公之始至也用恭寬明恕以懷之敬事存罰以勸  
之賦令之先必度其物宜而咨於前訓故居者逸亡者旋或蹈境而  
西或聆聲而遷提封之內無榛穢繩墨之下無姦傲旣而外邑多材  
郡不能潔公命懸諸善價俾代常徭於是乎幽巖之巨木斯山積歲  
之遺租必入公家受其利山氓蒙其惠繇是白蘋之制經矣洲在郡  
城南東亂雲溪而卽焉白沙如浮流波環之前有大野縣雲綠以萬  
峯顧有名都歷水駢以千室邑居可望而喧埃不及空水交映而雲  
天在下造物之工若有私於是焉菱蕪叢生鷺鶴朋游嘉名雖曜清  
境或濬公於是相顯爽之宜立卑高之程據洲之陽揆日之正揭大  
亭一焉脩廊雙注北距於雲浮軒瞰流峩水亭二焉大可以施施席



小可以容宴豆凡棟宇之法輪奐之美銛刮密石用成聲飛施宏壯而有皮備形紫而不踰內則庭除朗潔彌望鋪雪曲沼逶迤以中貫飛梁天矯而對起紫桂翠簷辛夷木蘭碧枚丹實蛇走珠綴鮮麗暗起繁葉振蕤落英飄飄灑空浮水天目神池之上多不名之卉洞庭水府之下產怪狀之石嶙峋乎玉容巖藹乎瑤芳眾榮偶植羅列布波外則差以白蘋間之紅蕖川與天遠百里如組邦君之來肅肅旌旌綵舟徐移魚躍鳥鳴亭成之日三吳之賢大夫集焉公用鼓鐘羽籥以落之然後使臣之臨重客之來獲游是者悅乎有遺匠之歎則爲邦之成績作亭之良規參合二美游揚四海坐馳而逝與底置借矧蘋之爲用風有季女之莫騷有放臣之望夫以澗谿之賤微而可充王公之殷薦是故君子重之今扶贊勝賞也如彼哲賢詠歌也如

湖州府志

卷四十六

金石錄一

三

此則是亭憑眺之外又有傳經之道焉若乃乘農隙之暇時購武夫之羨功屢閱不煩材用不屈揚晉人之休烈垂不朽之遐觀咨其利物之智有以加人不如是烏能及此已卯歲冬十月予將浮湖河上會稽凌縉雲觀赤城道出公之仁字目覽亭之崇構舉書其實合春秋傳信之經後之人無視十洲孟浪之說而沒其說云

諸道石刻錄白蘋亭記唐李直方撰史稿八分書并篆額已卯歲作卽貞元十五年也

叢編

吳興志白蘋亭記在墨妙亭唐殿中侍御史內供奉李直方撰前太僕寺主簿史稿書并篆額後跋元和元年夏節度判官侍御史

王濬獲覽此作

湖州刺史廳壁記 石佚據合璧事類載文

江表大郡吳興爲一夏屬揚州秦屬會稽漢屬吳郡吳興郡其野星紀其藪具區其貢橘柚織縞茶紵其英靈所誕山澤所通舟車所會物土所產雄於楚越雖臨湘之富不若也其冠簪之盛漢晉以來敵天下三分之一其刺史沿革不同或稱太守或稱內史或稱都督他州或否如晉史晉乘侯牧一也其鴻名大德在晉則顧府君祕祕子鳳陸統陸納謝安謝萬王羲之坦之獻之在宋則謝莊張永褚彥回在齊則王僧虔在梁則柳惔張稷在陳則吳明微在隋則李德林謀畧也國朝則周擇從令聞也鄭繇章句也魯公眞卿忠烈也袁給事高謙正也楊祭酒項典刑也劉員外全白文翰也洎于大夫頓作塘貯水溉田三千頃李大犬錡爲國養民有計然陰富之術今使君詞之族兄也唐景皇帝七葉之孫先公尙書先公大夫銘鼎之助

湖州府志

卷四十六

金石錄一

請

有功於民公實嗣之孔惺銘鼎天下重器天子褒狀于公襄陽節度李公防當道觀察統諸道鹽鐵轉運二公既陟惟公盤桓鴻鵠不飛飛卽千里摩漢漢廷丞相二千石其體一也以我之政不惟吳興蓋天下之重器也不然豈其述者復其危者安其憂者泰所謂善繼於是拓郭綴萊就便除害政之餘力於郡南端作銷暑樓於白蘋洲大建亭暑寒簷之士如獲輕暖無廢土焉光明敞豁湧出溪谷以昭其文其舊記故吏部李侍郎舒撰其圖經竟陵陸鴻漸撰使君命況總兩家之說俶落晉宋訖於我唐凡一百九十七人及歷代良二千石儀刑畧也鋪張屋壁設存歡燕神告民春秋不朽之義也適足以睹大夫之心爾貞元十五年十二月哉生魄華陽山人顧況述

輿地紀勝貞元十六年顧況撰又後題正元十七年刺史李詞晁